

mitior ad veniam, permulcens aspera legum
iustitia, aeternae vires et gloria saeculi,
spes data plena bonis et felix copia rebus,
eximium columen veterum virtute fideque,
25 Romae magne parens, armis civilibus ultor,
et summi laus grata dei, mens clara, superne
rebus missa salus, per te pax, optime ductor,
et bellis segura quies, sancta omnia per te.
solis iura suis fidissima dextra maritis
30 et sociale iugum praebet, consortia vitae.
respice me falso de crimine, maxime rector,
exulis afflictum poena, nam cetera causae
nunc obiecta mihi venia, venerabile numen,
vince pia et solito superans fatalia nutu
35 sancte, tui vatis, Caesar, miserere serenus!

III

Fingere Musarum fraglarem numine vultus,
alme parens orbis, perfecta in munia versu,
votaque, si ratio non abnuat ordine Phoebi.
gesta canunt, quos Aonium placabile numen
5 vatis sorte frui dat; donis carminis ex hoc
sustollens et versu instigans ora sonare,
tu mentem inspiras vatis; tu gaudia semper
in te, sancte, vocas. tu quivis docta Camenae
edere dicta favens, tu laetus vota secunda,